

suis Xisto successit post xi. menses , diesque 17. atque quod Synodus praeftata coacta fuerit sub Aurelianō circa annum 270. luce meridiana clarus iam redditum est. Genuina itaque certo habetur Dionysii Alexandrinī Apologia ; atque hinc recta illius de Trinitate sententia. Sed plura de his apud Emmanuelem Schelastrate (22).

Contra Basilium , cognomento Magnum , tandem tria adducunt. Primum : quod in duabus , quas ad Apollinarem dedit , Epistolis , plurima aduersus Ecclesiae de Trinitate doctrinam errata sint , quibus ad eum impetratis adcusandū Athanasius Anciranus Episcopus permotus est. Secundum : quod in S. Eupsychii festo de Trinitate disserens , Spiritus Sancti diuinitatem subdole reticuerit , cumque comparuit cum fluvio per alueum distento. Tertium : quod Hom. xvii. Spiritum Sanctum non Deum , sed Dei Spiritum adpellari , nec pari honore tres diuinās Personas prosequutus sit : saepe enim formulam hanc vsurpassē legitur : „ gloria Patri per Filium in Spiritu Sancto « . Prodidit ergo reuera Basilius veritatem Catholicam.

Ad singula tamen respondet. Er ad primum quidem verbis ipsius Basiliī , sic Epistola lvn. scribentis : „ vt calumniam illam , quae aduersus nos inualuit , depellamus , conspicuum facimus omnibus , nihil nobis esse commercii cum illis , qui ad hunc modum loquuntur « . Numquam itaque Basilius de rebus ad fidem pertinentibus Epistolārū commercium habuit ; et binae illae ab Athanasio An̄cyra Episcopo citatae Epistolae suppositae absubdia sunt.

Secundum criminacionis caput strenue rerudit Nazianzenus aiens (23) : „ ingens circa eum bellum est , cupientibus Haereticis nudam et apertam vocem ex Basiliī ore abripere , vt ipse quidem ex Ecclesia expellatur , qui solus pene veritatis agnitus restat , et vi talis facultas , vicinis omnibus capitis , ac subiugatis. Praestat itaque Oeconomiam quamdam ad veritatem fuisse adhibitam , nobis vide licet tempori non nihil cedentibus , quam vt illa ob praedicationis perspicuitatem opprimatur. Non enim ex ea re aliiquid damni facimus , si ex aliis quoque dictionibus , ex quibus id certo colligatur , Spiritum Sanctum Deum esse agnoscamus « . Quod si Monachi aliquot hanc prudentissimam Basiliī Oeconomiam ignauiam iudicarent , contendentes semper veritatem palam profirentur esse , non animaduerterunt certe , longe haec duo inter se distare , quaerentibus non respondere , et insidias euitare silentio. Primum quidem numquam

li-

(22) Dissert. ii. Antiq. Eccl. (23) Epist. xxvi.

liceret : secundum autem nedum licere , sed et oportere quandoque , petitis ex Scriptura exemplis euincitur . Quid , quod Spiritum Sanctum Dei Spiritum adpellari ? Numquam illum Deum esse confessus est ? Expresse quidem id facit praeſertim Homilia cxli. scribens : „ confitendum est Deum esse Patrem , Deum Filium , Deum „ Spiritum Sanctum « . Quando ergo Dei Spiritum eum vocat , Dei nomen , Veterum more , notionaliter sumit.

Terium denique Basilius ipse etiam soluit in lib. de Spiritu Sancto cap. 25. demonstrans , in Doxologia , seu in hymno glorificationalis eandem esse particulas in potestatem , ac particulae cum , et in idem plane redire „ gloria Patri per Filium in Spiritu Sancto , ac „ gloria Patri , et Filio cum Spiritu Sancto « . Atque proximo cap. 26. harum particularum differentia vtrit ad exponentum diuinarum Personarum originem : et cap. 27. alteram eriam formulam adprobat , nempe , „ gloria Patri , et Filio , et Spiritui Sancto « , quam ab Apostolica Traditione repetit , eiusque frequentem in Ecclesia usum eidem Traditioni acceptum refert.

Et his tandem caput hocce , itidemque Liber absoluuntur , in quibus longiores haud videbimus iis , qui materie pertractatae dignitatem considerent : quin et plus iusto breuiores , vel nobis ipsis tacentibus , quae pressa ac summatis scripsimus , nos declarant.

LIBER VI.

Dubia quaedam scholastica resoluuntur , quae ad explicandam huius Mysterii essentiam facere videntur ; atque notiones , proprietates que tribus personis communes declarantur.

Augustissimi huius Mysterii aduersus antiquos , nonosque hostes , pro virili nostra , veritate defensa , quae ad eiusdem essentiam , et quidditatē explicandam , vt Schola loquitur , spectant , sequitur vt pertractemus : processiones videlicet , relationes , aliaque tribus personis communia. Ne tamen in his plurimum immoretur , et alia rum

rum rerum dignitas , atque amplitudo , et breuitas ipsa , quam amamus , prohibent. Proponemus itaque , resoluemusque brevi quotquot Scholae placita ad rem facere iudicabimus , quo illud saltim adsequamur , vt ob breuitatem lectoribus grati simus. Sed et superaddeamus alia , quae ad scite de hoc Mysterio disputandum Viro Theologo pernecessaria sunt. Ergo sit

CAPVT I.

De diuinis processionibus earumque numero ac natura.

Dantur in Deo processiones , seu vnius Personae ab alia origines.

Haec veritas adeo testata est in sacris vtriusque Testamenti paginae , vt delirarent certe Arius , et Sabellius , tam disserta testimonia de progressione bonitatis , ac sapientiae Dei in exteriora sua effec ta , vel de corundem effectorum a prima et summa causa egressione interpretantes . Quid enim iis aperius proferri potest ? Ioann. viii. de se Christus ait : « ego ex Deo processi ». Et cap. vii. dixerat : « ego scio eum (Patrem nempe) quia ab ipso sum ». Et iterum cap. xvi. »Ipse Pater amat vos , quia vos me amastis , et credidistis , quia ego a Deo exiui : exiui a Patre , et veni in mundum « , et cetera . Hui spectant etiam textus omnes , quibus Filius dicitur accepisse a Patre Vitam , Doctrinam , Potestatem ; Ioann. v. et vii. et Matth. xi.

Similiter et de Spiritu Sancto dicitur Ioann. xv. »Cum veneritis Paraclitus , quem ego mittam vobis a Patre , Spiritum veritatis , qui a Patre procedit « , ceterum . Prius igitur quam a Patre ad redimentum genus humanum Filius mitteretur , et a Filio ad homines sacrificandos mitteretur Spiritus Sanctus , iam processisse Filium et Spiritum Sanctum apertissimum est.

Quam deinde veritatem ex Scripturis deductam in pluribus Conciliis definitam legimus , Nicaeno scilicet i. Constantinopolitano item i. Lateranensi , Florentino , aliis , atque in omnibus fidei Symbolis insertam ; praecipue in Nicaeno , ubi dicitur Filius , »Deus de Deo , lumen de lumine , genitus non factus , ceterum . Spiritus autem Sanctus

»tus

»tus Dominus , et viuificans , qui ex Patre Filioque procedit « ; quamvis particula Filioque non in Nicaeno posita , sed postea addita fuerit , ut infra dicemus .

In idem veniunt Patres omnes quotquot de Trinitate scripserunt ; quos nimis longum ac prolixum foret hic adducere .

Quin et pedissequa ratio accedit : quum enim inter Diuinis Personas realis distinctio intercedat ; quemadmodum contra Sabellium alibi probatum fuit ; necessario quid ponendum in diuinis est , in quo illa fundetur : at realis quaecumque in Diuinis distinctio in nullo alio fundari valet , quam in productione , seu processione vnius personae ab alia : haec igitur in diuinis ponenda necessario est . Omnis enim relativa oppositio vel in similitudine et aequalitate , vel in mensura et mensurato , vel in productione seu processione fundatur . Iam quum nec Diuinae Personae sint in natura similes , aut aequales , sed eiusdem omnino naturae diuinae ; nec similitudo , aut aequalitas distinctionem causset , vel supponat ; nec deinde infinitae perfectionis Personae mensuram perfectionis eiusdem habere possint ; neque tandem quae in mensura et mensurato fundantur relationes mutuae sint , quum mensura ad mensuratum non referatur ; Diuinae autem Personae referantur mutuo ; relinquitur hinc solam processionem distinctionem , et oppositionem huiuscemodi posse fundare . Ergo vel ipsa ratione ducente ponendae sunt in diuinis processiones . Hac vero quod ?

Duae tantum.

Id siquidem sacrae nos litterae edocent . Earum una est , qua ex foecundissima Dei Patris mente Verbum procedit : altera qua ex Patris Filiique individua voluntate ac mutuo amore Spiritus Sanctus emittitur ; ut ex his , quae supra adducta sunt , testimonis intellegitur . Ad diuini eloqui auctoritatem haec duo momenta addit S. Thomas . Primum : tot sunt in diuinis processiones , quot sunt personae ab alia prodeentes : at haec duae tantum sunt , Filius nempe , cuius a Patre , et Spiritus Sanctus , cuius a Patre et Filio origo est : non plures igitur duabus diuinac processiones sunt . Secundum : quin Deus infinite rebus omnibus praestet , quae Deo in sacris litteris tribuuntur , non ex rebus infinitis , cuiusmodi sunt corpora , sed ex summis cuiusmodi mentes sunt , acstimanda veniunt : er-

Tom. I.

Rr.

go

go quae intra Deum processio ponitur , mentium propria intelligenda est : sed in mentibus nequit alia processio ex cogitari , nisi verbi ab intellectu , et amoris a voluntate : neque alia itaque in summa omnium mente , praeter has duas admittenda est.

Vocatur autem Filius a Patre processio generatio iuxta illud Scripturæ : "generationem eius quis enarrabit ?" Et illud etiam Nicaenæ Symboli : "genitum , non factum " : processio vero Spiritus Sancti , quem nomine careat proprio , processio nude dicta perpetuo est , neque unquam generatio fuit appellata. Quod si huius distinctionis processionem inter et generationem ratio specialis queratur , a nullo mortalium reddi illa poterit. Augustinus unus est , post homines natos acutissimus , qui id nos docuit. Sic enim Maximino quaestionem hanc urgenti , ac pene insultanti respondit (1) : "ecce respondeo , sive carpias , sive non capias. De Patre est Filius , de Patre est Spiritus "Sanctus ; sed ille genitus , iste procedens : ideo ille Filius est Pater , de quo est genitus , ipse autem Spiritus est utriusque , quoniam de utroque procedit. Quid autem nasci inter et procedere intersit , de illa excellentissima natura loquens , explicare quia poterit ? Nam non omne quod procedit , nascitur , quamvis omne procedat quod nascitur ; sicut non omne quod bipes est , homo est , quamvis bipes sit omnis qui homo est . Et infra : "distinguere inter illam generationem et istam processionem nescio , non valeo , non sufficio ."

Verum , licet haec ita sint , haud improbadus est Scholæ Theologorum labor , qui sententiis suis diuinæ processiones illustrare conati sunt. Horum itaque fure nonnulli , qui Filium genitum esse , eiusdemque processionem generationem dicerent , non ita Spiritum Sanctum tamē esse , nec eiusmodi illius processionem , quod Filius ab uno procedat , nempe , a solo Patre ; et Spiritus Sanctus a duabus , a Patre nimis , et Filio. Quam rationem reddidisse Maximino Augustinum quibusdam visum est. Halensi , ac D. Bonaventurae , quos Recentiorum aliqui sequuntur , ea discriminis huius ratio probata est , quod Filius a Patre naturam foecundam accipiat , seu alterius diuinæ Personæ producendæ virtutem , non vero Spiritus Sanctus. Tamen Franciscus Henrio ac Scotistæ communiter tenent , Spiritum Sanctum non procedere per modum naturæ , quod voluntas non sit agens naturale , sed voluntarium , ac liberum libertate essen-

tia

(1) In cxli. contra Maxim. cap. 14.

tiali , etiam respectu processionis Spiritus Sancti. Alii rationem inde petunt , quod Filius , non autem Spiritus Sanctus , vt Patris imago procedit : de Filio enim ad Hebreos 1. Paulus scribit : "qui quum sis splendor gloriae , et figura , seu imago substantiae illius " , ceter. Differentiam alii in eo ponunt , quod Filius vt natus , Spiritus Sanctus procedat vt datus , sueaque opinionis auctorem Augustinum gloriantur (2) , de Spiritu Sancto sribentem : "exit non quomodo natus , sed quomodo darus , ideoque non dicitur Filius " , ceter. Quid vero D. Thomas ? Hanc differentiam causam ponit , quod Filius per intellectum procedat , Spiritus Sanctus per voluntatem. Hinc verissimilem concludit , Filium genitum esse , non item Spiritum Sanctum. Quae enim generationis , vt viuentium propria est notio , atque finitio ? Quid etiam intellectum inter et voluntatem , harumque potentiarum terminos interest ? Intellectus habet quod res ad se trahat ; voluntas contra , ad res quas vult , fertur , ab eisque trahitur : unde eueniē necessum est , vt verbum , quod est veluti mentis foetus , similitudo sit speciei , per quam mens intelligit , simulque et rei , quae intelligitur : id quod in termino per voluntatem producito haud euenit : iste siquidem intra voluntatem ipsam producitur ; neque eius natura habet , vt sit cum re amata similitudo , sed dumtaxat , vt ad amatum voluntatem inclinet , et rapiat. Quem modum congruentem aliis nostri Thomistæ multis demonstrare conseruerunt. Sed nobis in his immorati non vacat.

Illud tamen certo statuimus , nam et fidei dogma est , infinitam diuinæ naturæ foecunditatem ita duabus his processionibus expleri , vt in diuinis non sit , sed nec esse possit , nisi Pater unus , unus Filius , unus Spiritus Sanctus. Deus enim uno simplicissimo actu omnia simul intelligit , et vult : quare nequit in eo esse , vt optime S. Thomas , processio Verbi ex Verbo , neque Amoris ex Amore , sed unus in eo est perfectum Verbum , unus perfectus Amor. Hinc quamvis Filius perinde perfectus ac Pater , alium Filium non gignit , nec aliud spirat Amorem Spiritus Sanctus , quamvis Patri , Filioque omnino aequalis ; sed tota in Verbo unico diuinæ intellectus perfectio , tota itidem in unico Spiritu Sancto diuinæ voluntatis praestantia continetur.

Quum ergo et Filius a Patre procedens , et Spiritus Sanctus a Patre et Filio idem omnino esse accipiunt , ac habent personas , a

Rr 2

qui,

(2) Lib. v. de Trinit. cap. 5.

quibus procedunt, quae sit harum processionum natura deprehenditur, nempe:

Vnius ab alio origo, non quidem ut a caussa, sed
ut a puro principio.

Cum ratione enim puri principii stat quamoptime, quod idem omnino esse sit in eo a quo oritur, et in eo quod oritur; quod cum ratione caussae haud staret, quum caussa esse diuersum in effectu producat, ac ab alio dependens. Est itaque Filii processio ipsius a Patris persona origo, velut a principio ipsum quod habet esse ipsi dante: estque similiter Spiritus Sancti a Personis Parris, et Filii processio ipsius ab eisdem, tamquam unico principio origo, ei esse communicante. At luet transcribere pro hoc ipso perfectius explanando S. Thomam (3). Docet enim: "quod inter omnia nomina ad originem spectantia, magis conuenit in diuinis hoc nomen principii: quia enim diuina comprehendendi a nobis non possunt, conuenientius a nobis significantur per nomina communia, quae indefinite aliiquid significant, quam per nomina specialia, quae definite rei species exprimunt.... Sicut autem caussa communior est quam elementum: ita principium est communius quam causa. In quo patet, quod principium potest dici aliiquid, quod non est secundum essentiam distinctum, ut punctum lineae; non autem caussa, maxime si loquamus de caussa originante, quae est efficiens. Quamvis autem (prosequitur S. Doct.) Pater dicatur esse principium Filii, et Spiritus Sancti, non tamen videtur indifferenter dicendum, quod Filius sit principiatum, vel etiam Spiritus Sanctus, licet etiam hoc modo loquendi Graeci vtantur, et posse apud sane intelligentes concedi. Tamen ea quae minorationem aliquam importare videntur, refugere debemus, ne Filio, vel Spiritui Sancto attribuantur, propter Arianorum errorem vitandum. Sicut Hilarius, eti concedat Patrem esse maiorem Filio propter auctoritatem originis, non tamen concedit quod Filius sit minor Patre, cui est aquale esse donatum a Patre."

Graeci vero Patres aliqui nomine caussae in diuinis usi sunt, ait D. Thomas (4): quia Graeci absolutius vtuntur nomine caussae, ex ipsis solam originem significantes.... Aliiquid enim inconveniens:

(3) Quaest. c. de Potent. art. r. ad 9. (4) Loc. cit. de Potent. ad 8.

"nenter in lingua latina dicitur, quod propter proprietatem idiomatis conuenienter in lingua Graeca dici potest. Non autem oportet si nomen caussae confitemur in diuinis secundum Graecos, quod eodem modo accipiatur, sicut quum de creaturis dicitur". Haec S. Thomas, quibus nihil expressius pro diuinarum processionum natura explicanda, proferti, neque cautius de eisdem loqui posset.

COROLLARIA.

Habemus ex dictis, Patrem esse qui Filium generat, Patrem item et Filium esse, ex quibus Spiritus Sanctus procedit; seu quod alii vocalis Theologi de Schola dicere solent; Personam Patris seu suppositum, vel Hypostasim esse principium quod processionis Filii; Personas deinde Patris et Filii, seu supposita, vel Hypostases esse principium quod processionis Spiritus Sancti: tritum enim est axiomata: actiones sunt suppositorum. Sed quoniam erit virtus qua una Persona alias producit; seu quod in idem reddit, quodnam erit principium quo rum proximum, tum remotum diuinarum processionum? In varias abire sententias Theologos videmus. Statuit Durandus principium quo in sola natura, quatenus praeconcepta etiam ad intellectionem et volitionem foecunda est. Verum sententiam istam in fiducie erroneam sunt qui adpellent, tamquam a sensu communi Theologorum recedentem, immo et a loquitione Scripturae et Patrum. Reponunt alii hoc principium cum D. Bonaventura in sola relatione, sive personali proprietate. Nostrae Scholae Theologi, quibus subscripti sunt Iuenin, Habert, Tournely, aliique, constituant illud principium in diuina ipsa natura, dum de principio remoto sermo est; et in intellectu et voluntate notionalibus, dum de proximo, et immediato loquuntur. Hoc pacto adserunt, et nos cum illis: principium quo remotum virtus Processionis, et Filii, et Spiritus Sancti esse naturam diuinam; principium autem quo proximum Processionis Filii esse intellectum notionalem; Processionis vero Spiritus Sancti esse voluntatem notionalem. Quam adseritionem exemplo visionis humanae explicamus; cuius principium quod est homo; ab ea enim denominatur videns: principium quo remotum est natura humana; quia est radix facultatis visivae, et ipsius visionis: principium quo proximum est ipsa facultas visiva; quia per eam homo proxime vider. Sic ergo Pater in diuinis est principium quod generationis Filii; ab ea enim generans denominatur: natura diuina principium quo remotum;

est

est enim prima radix foecunditatis paternae : intellectus vero notioⁿalis principium quo proximum ; quia immediate per talem intellectum Pater generat Filium. Similiter per voluntatem notionalem Pater et Filius spirant Spiritum Sanctum. Et ratio ulterior est, quod nec Filius diceretur Verbum, nec Spiritus Sanctus amor et donum, nisi ille procederet per intellectum, hic per voluntatem : quin si Filius et Spiritus Sanctus immediate per naturam diuinam procederent, unus eorum esset modus procedendi, ac proinde unica in Deo esset processio.

Consulto autem dictum est, intellectum notionalem, hoc est paternitate affectum, et voluntatem notionalem, hoc est spirationem adiunctam habens, esse principia proxima processionis : non enim huiusmodi sunt, si absolute et essentialiter spectentur ; nam sic aque in tribus Personis diuinis experientur ; nec tamen intellectus in Filiō, aut Spiritu Sancto producit Verbum, nec voluntas amorem in Spiritu Sancto. Itaque intellectio et volitio notionaliter sumtae, seu prout nominibus propriis exprimuntur, dictionis nempe, et spirationis, principiant diuinis processiones: vnde notiones diuinæ adeo ad has processiones conferunt, ut sine illis infoecunde sint intellectio et volitio ; illa in Filiō, et Spiritu Sancto, vtraque in Spiritu Sancto. Sed haec perstrinxisse sat fuerit.

CAPVT II.

Heterodoxorum aduersus diuinas Processiones conatus franguntur. Domesticorum argumentis occurritur.

Plurima ab Ario et Sabellio, eiusque gregalibus contra diuinarum Processionis positionem obiecta, soluta fure superioris libri capitibus, in quibus Verbi diuinitas adserita ac vindicata fuit. Superest levia. haec soluere, et ineptissima. Primum : si Processionalibus huiusmodi intra Deum locus sit, ponendum erit in Deo prius ac posterius : at hoc a Dei idea abhorret : non est ergo processio illa in Deo admittenda. Secundum : si Filius et Spiritus Sanctus a Patre procedunt, ab eoque habent et accipiunt esse, eorum dignitas minor erit : sed hoc dicere blasphemum esset : non ergo ita procedunt. Tertium : Filius et Spiritus Sanctus indigentis erunt naturae, si a Patre natum accipiunt : ne ergo id adserere cogamur, reiencia est omnis processio.

cessio. Ultimum : etiam absque unius Personae ab alia origine poterunt Diuinae Personae inuicem relatiue opponi, et distinguiri, relationibus nimirum, disparatis, ac proinde distinctis : igitur haud necessariae sunt processiones in diuinis.

His respondendum. Primo quidem, has quas Sociniani reproducent, veterum Socinianorum ineptias esse; quas cum S. Thoma sic confutamus. Etsi principiū nomen a prioritate sumtum videatur; non tamen ad hanc, sed ad originem solam designandam imponitur. Prius itaque ac posterius hac originis prioritate ac posteritate, quum Dei perfectioni non repugnet, nec repugnant in Deo processiones.

Ad secundum dicendum : habere originem ab alio, quod natura differat, diuinæ profecto dignitati derogare : hoc enim non nisi rerum creaturarum est, quarum natura infinite distat a summa, priuilegio sui caussa : at esse accipere a principio unius, eiusdemque naturae, totamque ab eo Deitatis plenitudinem accipere, diuinam amplius commendat perfectionem : neque enim esset perfecta diuina, nisi actu semper intelligeret, atque vellet, essetque propria in eo sempiterna Verbi, et Amoris, sive Spiritus Sancti Processio.

Tertii haec est solutio : neutquam Filium et Spiritum Sanctum indigentes esse, ex quo a Patre esse accipiant : quomodo enim eiusmodi erunt, quorum una eademque indiuidea est natura, quae Patris ; nec vilum in aeternitate instans designari potest, in quo fuerit re ipsa Pater, nec cum eo fuerint Filius, et Spiritus Sanctus in una, eademque Deitate perfectissime subsistentes ? Verum puerilia haec sunt.

Vltimum sic solutio : relations non dicere incomunicabilitatem, proinde nec distinctionem nisi respectu termini sibi correlatiue oppositi : quum vero relations disparatae non se inuicem respicent, vt terminos relative oppositos, non dicent incomunicabilitatem, et distinctionem, sed potius inuicem essent communicabiles : ex quo deinde sequeretur, quod quin in diuinis omnis communicatio per identitatem sit, relations illae disparatae inuicem idemtificarentur, et tolleretur Trinitas Personarum : sicut quia spiratio actua, et Paternitas, esto disparatae, inuicem tamen relative non opponuntur, communicabiles sunt, et ea propter sunt unum, et idem.

Aduersus praefinitum Diuinarum Processionum numerum haec stant

stant praecepit. Primo: bonitas videtur esse processionis principium, quum bonum sit sui diffusuum: ponenda ergo videtur tercia processio secundum bonitatem. Secundo: sicut potest aliquid procedere ex precedente, ita nasci ex nato; quemadmodum contingit in hominibus, in quibus, qui ab uno nascitur, habet alium de se natum: atque in diuinis datur processio procedentis a procedente, nempe Spiritus Sancti a Filio: poterit ergo dari similiter processio nati a nato, Fili scilicet a Filio. Tertio: in nobis dantur plurimae verbi processiones, sicut et amoris; ex uno enim verbo procedit aliud, ex uno amore alias amor: sed in Deo est maior foecunditas quam in nobis: ergo non una tantum Verbi processio, una etiam Amoris, sed plurimae. Quarto: est in Deo processio per modum naturae, secundum quam Filius nominatur; est etiam processio per modum intellectus secundum quam nominatur Verbum; et est insuper processio per modum voluntatis, secundum quam nominatur Amores: igitur saltim processiones in diuinis reperiuntur. Quinto: per processionem, quae est a voluntate, non potest communicari natura; nihil enim naturam recipit nisi per generationem, ut videre est in creatis: at processio, quae est in diuinis, debet procedenti communicare naturam diuinam; nam omne quod in Deo procedit Deus est: igitur una tantum est in diuinis processio. Ultimo: nequeunt haec duae diuinae processiones solo numero distinctae admitti; alias utraque foret eiusdem speciei, scilicet generatio, et eterne procedens Filius esset; sed nec possunt specie distinctae, nisi admittatur natura per processionem communicata specie diversa: ergo non duas, sed unam tantum admittenda.

His tamen facilime occurrimus. Ac primo respondemus ex S. Thomas (1), quod bonitas pertinet ad essentiam, non ad operationem, nisi forte tanquam voluntatis obiectum: unde quum diuinae processiones accipiendae necessario sint secundum actiones aliquas; non accipiuntur aliae processiones secundum bonitatem, et alia adtributa, nisi Verbi et Amoris, secundum quod Deus essentiam suam, veritatem, bonitatem, cetera intelligit, et amat.

Secundo dicimus: Spiritum Sanctum a procedente etiam, nimirum a Filio procedere, non quidem cadem processionis specie, ut natus scilicet ex ipso; sed diversa specie, nempe ut amor, et impulsus: duas autem processiones diversae specie possunt dari in diuinis,

non

(1) I. P. q. xxvii. art. 5. ad 2.

non vero duas processiones eiusdem speciei, puta duas processiones Verbi, vel Amoris.

Ad tertium respondet S. Thomas (2): „quod Deus uno simplifici actu omnia intelligit, et similiter omnia vult: unde in eo non potest esse processio Verbi ex Verbo, neque Amoris ex Amore; sed est in eo solum unum Verbum perfectum, et unus Amor perfectus; et in hoc eius perfecta foecunditas manifestatur.“ Ita D. Thomas, de cuius sententia supra iam fueramus loquuti. Sicut ergo per hoc quod uno actu omnia intelligit, et uno etiam actu omnia amet, summa eius vis in intelligendo et amando adpareat; ita per hoc quod uno Verbo omnia dicat, et unico impulso omnia amabilia complectatur, summa ipsius foecunditas manifestatur.

Quarto respondendum ex eodem S. Doctore (3), quod in diuinis processio, quae est per modum intellectus, non distinguitur a processione, quae est per modum naturae: nam sicut processio per modum naturae prima est, nec praexigit aliam processionem; ita processio per modum intellectus: et sicut natura intendit sibi simile producere, ita et intellectus: demumque sicut processio naturae est ab uno tantum, tamquam ab agente, si sit perfectum agens; similiter et processio intellectus ab uno solo est.

Nec facit aduersus responsum istam, quod in creatis alia sit processio naturae secundum quam homo generat hominem, et alia processio intellectus secundum quam producit verbum: quae creatae processiones diuinae velut exemplar propositum habere videntur.

Non quidem facit: quam maxime siquidem differunt creaturarum processiones a diuinorum exemplari. Primo: quia in creaturis materialibus (in quibus solis est) processio per modum naturae materialis est, et non nisi naturali transmutatione perficitur: hinc haec processio in creaturis a processione intellectus diuera est. Secundo: quia Verbum quod procedit in creaturis, dum intelligent, neque subsistens est, neque eiusdem cum intelligente naturae: unde quod per intellectum procedit, nequam processione naturae valet procedere, sicut procedit quod generatur, velut in eadem natura subsistens cum eo a quo generatur: in diuinis autem procedens per intellectum, ut subsistens quidem procedit, ac in eadem cum genitore substantia: nihil itaque obesse potest, ut sit una eademque processio per intellectum, et per naturam.

Tom. I.

Ss

Quin-

(2) Locis citatis ad 3. (3) Quaest. x. de Potent. art. 2. ad 11.

Quinto quoque ex S. Thoma respondemus (4) : „quod quid est in Deo Deus est, quod non contingit in aliis rebus. Et ideo per quamlibet processionem quae non est ad extra, communicatur diuina natura, non autem aliae naturae.“

Vltimum soluit S. Thomas dicens (5), Processiones in diuinis differre quasi secundum speciem propter differentiam proprietatum personalium, licet in procedentibus sit vna natura communis: ex quo ergo processiones diuinae quasi specie differant, sequitur quidem, hypostases suis personalibus proprietatibus inuicem specie differre, seu potius quasi specie (quandoquidem nec genus, nec species proprie in diuinis est), non tamen quod natura, cuius sunt hypostases illae, specie differat.

Atque his positis et solutis, proponamus sequitur, ac soluamus quae contra principium quo diuinarum processionum militare scimus: faciemus vero paucis. Opponitur ergo primo: intellectus et voluntas sunt quid commune: at principium quo proximum diuinorum processionum deber esse quid proprium: ergo. Secundo: productio Personarum in diuinis naturae immediate tribuenda est; nam naturam diuinam esse in tribus Personis, eisque communicari prouenit immediate ex infinite ipsius essentiae: ergo natura est immediatum principium processionum. Tertio: quod non generat, nec generatur, non est principium aut terminus diuinarum processionum: sed diuina natura nec generat, nec generatur, vt ex damnatione Concilii Lateranensis IV. in libellum Abbatis Ioachim adserens diuinam essentiam et generare, et generari, constat: ergo non est principium adhuc remotum et primordiale diuinarum processionum.

Quarto: relatio paternitatis in generatione fundatur, et illam supponit: ideo enim est Pater, quia genuit: sed quod in generatione fundatur, eamque supponit, nequit concurrere eriam per modum conditionis modificantis ad constitendum principium generationis: igitur principium quo proximum processionis Fili non est intellectus notionalis.

Quinto: potentia generativa est in Filio; quum haec continetur sub Omnipotenti, quae abs dubio in Filio est: at si paternitatem connotaret, in Filio non esset: igitur paternitatem haud connotat. Et quidem contra Maxim. (6) expresse Augustinus admittat, quod

si

(4) Prima Part. quæst. xxvii. art. 3.
ad 2.

(5) Ibidem ad 12.
(6) Lib. II. alias III. cap. 7.

si Deus generare non possit sibi aqualem, ubi est omnipotencia Dei Patris?

Deinde ostendit S. Doctor (7), Patrem non esse potentiores Filio, etsi Pater genererit Creatorem, Filius vero non: nam ait: „neque enim non potuit, sed non oportuit.“

Soluamus tamen haec. Ac primum quidem, instantiam retorquendo. Nam essentia diuina est praedicatum commune, neutriquam proprium: neque ergo poterit illa esse principium quo proximum diuinorum processionum, quod Durandus concludere opisatur. Itaque dicendum, quod licet intellectus, et voluntas absolute et secundum se communes omnibus Personis sint; quatenus tamen sunt in vna determinata Persona, modificantur taliter ciudem proprietati personali, ut praedicata propria illius, ac notionalia dicantur, et foecunda sint ad aliam Personam producendam. Ita sapientia communis est: at Sapientia ut genita, adeo propria secundae Persona fit, ut non possit pro alia supponere.

Ad secundum dicendum: ex infinitate quidem diuinæ essentiae prouenire, ut foecunda sit ad se ipsam communicandam, media tamen aliqua actione: quum enim sit in tribus diuinis Personis, non quomodocumque, sed in duabus ut procedentibus, et in alia ut producente non producta; sit inde ut in illis esse neutriquam possit absque processionibus, nec processiones sine actionibus.

Tertii haec est solutio: sicut anima licet sit principium quo radicale generationis hominis, non tamen verum est adserere quod anima generat, sed homo, quia actiones sunt suppositorum; ita quantumvis diuina Patris essentia sit principium quo radicale generationis, nequid dici: essentia diuina generat aut generatur. Hinc iure meritoque Lateranense Concilium damnauit libellum Abbatis Ioachim dicendo: essentia non est generans, neque genita, neque procedens; sed est Pater qui generat, Filius qui gignitur, Spiritus Sanctus qui procedit.

Quarto sic occurrimus ex S. Thoma (8), qui postquam docuit relationes in creatis, quia accidentia sunt, non posse personam constituere, quae est aliquid subsistens in genere substantiae, bene tamen in Deo, prosequitur: „est ergo aliud modus intelligendi, quo intelligitur relatio ut constitutiva diuinæ Personæ, et aliud, quo intelligitur relatio, ut relatio est. Vnde nihil prohibet, quod quan-

Ss 2

„tum

(7) Lib. II. alias III. cap. 12.

(8) Quæst. x. de Potent. art. 3.

"tum ad vnum modum intelligendi relatio praeponit processio-
"nem , quantum vero ad alium sit e conuerso. Sic ergo dicendum
"est , quod si consideretur relatio , vt relatio est , praeponit pro-
"cessonis intellectum : si autem consideretur vt est constitutiva
"personae a qua est processio , est prior secundum intellectum,
"quam processio", cert.

Pro ultimo soluendo, principio dicimus, potentiam generatiuum, quantum ad rectum , prout nempe intellectum nominat , esse in Filios minime quantum ad connotatum , seu quantum ad modificatiuum relationis. Hinc ad primam probationem dicimus, eiusmodi genera- di potentiam non claudi sub omnipotencia absolute , et in communi, sed vt Augustinus ait, sub omnipotencia Dei Patris , seu vt pater- nitate modificata.

Ad aliam probationem Petavius diceret (9) , mentem Augustini fuisse , quod Filius reuera potuerit alium Filium generare. Iniu- ria sane tanto Doctori responso , a qua nos abhorremus. Iaque respondeamus , quod dum Augustinus ait , "neque enim non potuit", solum indicare voluit , quod non ex sui omnipotentia , sed ex rei na- tura venit , quod Filius non generet. Ita S. Thomas (10) , his verbiis : "ideo dicit Augustinus , quod non est dicendum , quod Filius non potuit generare , sed non oportuit , quia non ex impotentia Fi- lii est , quod non generet , vt hoc quod dicit non potuit sumatur priuatiue , et non simpliciter negatiue. Per hoc autem quod dicit , quod non oportuit , significat , quod sequeretur inconueniens si in diuinis Filius alium Filium generaret". Id quod ipse S. Thomas , et ante illum Augustinus ex quatuor capitibus ostendit , istis verbis: "immoderata enim esset diuina generatio , si genitus Filius Nepo- tem gigneret Patri , quia et ipse Nepos , nisi Auo suo Pronepotem gigneret , secundum vestram mirabilem sapientiam (Maximum , et Arianos adloquitur) impotens diceretur. Similiter etiam ille si Nepo- tem non gigneret Auo suo , et Pronepotem Proauro suo , non a vo- bis adpellaretur omnipotens , nec impleretur generationis series , si semper ex altero nasceretur , nec eam perficeret nullus , si non suffi- ceret unus". Itaque illa Augustini loquutio , non oportuit , indicat alterius Filii generationem in Deo nedum de facto non esse , sed nec esse posse : non quidem ex defectu potentiae in Filio , sed natura rei ita postulante.

CA-

(9) Lib. vii Theol. Dogm. de Trinit. cap. 13. (10) Quaest. ix. de Pot. art. 9. ad 1.

CAPVT III.

*De diuinarum relationum existentia , numero , et perfectione:
vbi de subsistentiis.*

Dantur in Deo Relations reales.

Negari hoc a nemine Catholicorum potest , quoniam remotis a Deo relationibus eliusmodi , ipsum Trinitatis Mysterium tollatur necesse est. "Est enim (vt in Concilio Florentino legimus) secundum Doctores quum Graecos , tum Latinos sola relatio , quae multiplicat Personas in diuinis productionibus , quae vocatur originis , ad quas duo tan- tum spectant , a quo aliis , et qui ab alio. In diuinis omnia sunt vaues , vbi non obviat relationis oppositio". Canone quoque I. Concilii Toletani XI. dicitur : "in relatiuis Personatum nominibus Pa- ter ad Filium , Filius ad Patrem , Spiritus Sanctus ad vtrosque re- fertur , quac cum relative tres Personae dicantur , vna tantum sub- stantia creditur". Cap. demum Firmiter de Sum. Trinit. et Fi- de Cath. "Haec Trinitas secundum communem essentiam individua , et secundum propria (seu relationes) personales discreta". Hinc iniuncta erudit S. Thomae argumentatio (1) : si relations istiusmo- di rationis nostrae opus sint , instauratur Sabellii error , cui quidem non nisi unica in Deo persona erat , sola intelligentia nostra , et va- ria nominis adpellatione distincta : a paternitate enim dicitur Pater , a filiatione Filius , ab spiratione passiva Spiritus Sanctus : ergo si relations istae non re ipsa , sed sola mentis nostrae conceptione in Deo sint , non re ipsa , sed sola opinione , Pater a Filio , Filius a Pa- tre , Spiritus Sanctus a Patre et Filio distinguuntur ; itemque opinione sola Pater erit , eadem Filius , et Spiritus Sanctus ; ac proinde non tres , sed vna persona , sola ratione et nomine multiplex , quod est Sabellii error.

Sed est quoque efficax illud momentum , quod alibi adserit S. Doctor (2) , estque huiusmodi : vbicumque datur vnius ab al- tero origo , ibi vera ponenda relatio ; vel eius tantum quod ab alio oritur , si non eandem cum suo principio naturam habeat , vt eue- nit in processione creaturarum a Deo , quarum est ad Auctorem suum

ve

(1) Prima Parte , q. xxviii. art. 1.

(2) Quaest. viii. de Potent. art. 1.

vera relatio , non tamen Auctoris ad easdem ; vel relatio mutua dicta , si quod oritur eadem principiū sū naturam habeat , ut videatur in hominum generatione , ex qua mutua genitum inter et gigantem ordo est , et vera relatio : quum ergo a Patre procedens Filius eadem habeat cum Patre naturam , (idem de Spiritu Sancto dicendum) mutua inter illos , veraque relatio sit oportet . *Hae vero relationes quot ?*

Quatuor :

Paternitas , Filiatio , Spiratio actiua , et Spiratio passiua :
nec plures , nec pauciores .

Suadetur momento , quo veritatem hanc euincit S. Thomas (3) . A Patribus et Theologis tenetur , duas tantum manentes processiones in Deo esse , alteram Verbi per intellectum , Spiritus Sancti alteram per voluntatem , quarum prior in diuino eloquio Generatio , alia communis nomine Spiratio passiua dicitur : at singulis his processiōibus relations duas respondent ; priori quidem , seu generatio nis relatio principiū gignantis , quae est Paternitas , et termini geniti , quae est Filiatio ; posteriori attem relatio principiū productus , quae est actiua spiratio , qua Pater et Filius Spiritum Sanctum respiciunt ; et termini producti , quae est spiratio passiua , qua nemp̄ Spiritus Sanctus ad Patrem , Filiumque , ceu ad unicum sui principium referunt : quatuor ergo diuinae relations sunt .

Quanam autem distinctionis specie relations istae a diuina es-
tentia segregentur , post D. Thomam Theologi sedulo inquirunt . At
nos , quum eandem relationum comparet ad essentiam rationem es-
se , ac adtributorum videamus , post ea , quae de horum ab es-
tentia distinctione , de attributis generatim agentes , tradidimus , alia di-
cere veteri proverbio veramur . Illuc Lectorem reuocamus .

CAP VT IV.

*Diuinarum relationum existentiam argumentorum , quae obsta-
re videntur , solutio amplius firmat : earundeu-
numerum confirmat .*

Ex haereticis , qui aduersus diuinas relations debacchati sunt , nul-
lus

(3) Prima Parte , quæst. xxviii. art. 4.

Ius Caltino inuercundior . In lib. enim , quem de Institutionibus inscriptis , ridet insolentissimus homo , Personæ , Relationis , Proces-
sionis , Notionis , Trinitatis nomina ; nostrosque Theologos acer-
be insectatur , quod praeter Patrem , Filium , et Sp̄ritum Sanctum ,
quorum in Scripturis expressa mentio est , alia haec nomina excogitari-
tarint : ait enim , et post eum gregales sui ; quod nihil sit de Deo
dicendum , quam quod in Scripturis expressum est : sed inasignabilis
est Scripturæ locus , in quo horum nominum *relationis* , cœt.
mentio fiat : ergo illa non sunt admittenda .

Verum haec Cahuini , eiusque gregalium cauillatio ex priscis Arianiis quum deriuata fuerit , eisdem , quibus S. Augustinus Pascentio Ariano idem obliscienti respondebat , verbis diluenda est . »Interpre-
tandum prius , et exponendum , quid nomina ista significant , tum
demum in diuinis literis requirenda , quia etsi fortasse ibidem no-
mina ista non inuenirentur , res tamen ipsa inueniretur : quid enim
contentiosius est , quam , vbi de re constat , certare de nomine «? Quum itaque , quam de nominibus istis notionem Ecclesia subiecit , non obscuræ , nec in uno tantum loco sacrae litteræ proferant , re-
tinenda haec sunt tamquam ad Trinitatis Mysterium explicandum ,
non solum aptissima , sed et pernecessaria .

Ast Caluinus , et qui eum sequuti sunt , nomen vnice relationum diuinarum , hoc , quod soliuimus , deliramento sunt insectati : qui vero aduersus relations ipsas , earumque existentiam argumen-
ta fecere haeretici , quorum dux Sabellius exitit , his potissimum sophismatisbus , (vt S. Thomas loquitur) vni sunt . Primum : Augus-
tinus Arianois arguens scribit (1) , de Deo relations dici non posse ,
neque secundum substantiam , neque secundum accidens : id quod
ex eo certe perspicuum est , quod diuinæ simplicitatis idea accidens
in Deo fingere omnino vetat ; non aliter ac eius perfectissima veritas
plures in eo substantias ponere , quae necessario plures essent ,
si relatio secundum substantiam diceretur : non ergo admittenda in
Deo relations sunt .

Secundum : (et est argumentum , quod olim opponebat Euno-
mius) nomen Patris in Deo re ipsa non quadrat : nam primo , ne-
quic illud nomen naturae , seu essentiae esse , quum haec sit tribus
communis : secundo , nec relationis nomen illud esse potest , nam Pa-
trem Filio priorem esse oportet : quum enim operari consequatur

esse, prius existat necesse est quispiam, quam alium gignat: non esset propterea coaeternus Patri Filius, ideoque nec Deus.

Tertium: Deus potest Pater esse quin vera aliqua relatio possit natura; quemadmodum rerum creatarum vere Dominus est, quin ad creatura vere referatur; et sicut Christus vere Mariae Filius est, quin ad Matrem referatur: inanis ergo in Deo quaecumque relatio est.

Quartum: neque necessariae in Deo relationes sunt ut adstruantur Personarum distinctio: siquidem relatio non efficit, sed supportat extremonrum distinctionem.

Tandem: cum relationibus huiusmodi non stat Personarum consubstantialitas: nequit enim mutua inter duo extrema excogitari relatio, quin unum ab altero pendeat, et aliud reapse sit ab eo ad quod referatur: ergo relegandae a Deo sunt.

Friuola tamen haec sunt et inania. Ac primum validissime Augustinus ipse in ipsis hereticos retorquet, scribens: "si quidquid de Deo dicitur, secundum substantiam dicitur: ergo quod dictum est, ego et Pater unus sumus, secundum substantiam dictum est: dicit ergo aliquid non secundum substantiam, et ideo non cogimur secundum substantiam intelligere ingenitum, et genitum, id est, Patrem et Filium. Item de Filio dictum est, non rapinam arbitratus est, esse se aequalem Deo. Quaerimus, secundum quid aequalis? Si enim non secundum substantiam aequalis dicunt, admittunt, ut dicatur aliquid de Deo non secundum substantiam: admittant ergo, non secundum substantiam dici Ingenitum, et Genitum. Quod si propterea non admittunt, quia omnia de Deo secundum substantiam dici volunt, secundum substantiam Filius aequalis est Patri". Et post pauca directe Arianorum cauillationem eneruat, dicens: "si quod dicitur Pater, ad se ipsum diceretur, non ad Filium, et quod dicitur Filius, ad se ipsum diceretur, non ad Patrem, secundum substantiam diceretur ille Pater, et iste Filius: sed quia Pater non dicitur Pater nisi quia est ei Filius, et Filius non dicitur nisi ex eo quod Patrem habet; non secundum substantiam ista dicuntur, quia quisquis eorum non ad se ipsum, sed ad alterutrum, et ad inuicem ista dicuntur; neque secundum accidens, quia et quod dicitur Pater, et quod dicitur Filius, aeternum atque immutabile est eis: quamobrem, quamvis diuersum sit Patrem esse, et Filium esse, non est tamen diuersa substantia, quia

"haec

"haec non secundum substantiam dicuntur, sed secundum relatiuum, quod tamen relatiuum non est accidentis, quia aeternum est eis". Haec Augustinus.

Secundum qui obiciunt, immensum quod creatum inter et in creatum intercedit discrimen internoscere aut nolunt, aut nequeunt. In eodem itaque perpetuo aeternitatis, ut loquuntur Theologi, Pater et Filius simul existunt, suntque sibi coaeterni. Sed mens nostra Patrem Filio priorem concipit, non re quidem, neque tempore, sed natura et origine. Vnde ex quo apud nos prius quispiam existit quam agat, mens nostra quid simile in Deo excogitat, ac Patrem esse concipit antequam Filium gignat, licet reuera nihil in Deo prius sit, nihil posterius, sed omnia coaeterna, simulque et Persona Patris, et Generatio, et Filius genitus semper existant: nec tamen intelligentia nostra prior est Filio Pater qua Pater est, sed qua Persona est subsistens: qua Pater enim quum relationem ipso suo nomine exprimat, relativa autem, ut Philosophi aiunt, sint simul natura, et cognitione; in eodem ipsis rationis signo (licet verba haec surpare) quo Patrem, et Filium quoque intelligimus.

Tertium duo continet. Horum unum sic soluitur: plurimum Domini inter et Patris adpellationem interesse Theologi animaduertunt: nam ut quis sit, et dicatur vere Dominus, sat est ut habeat ius et dominium in subiectos, eosque coercendi potestatem, et quod subditi etiam ad eum ut Dominum referantur: Deus autem Opt. Maxim. nonne ius ac dominium in suas creaturas omnes habet, atque hae omnes vera seruitutis relatione ad eum ut summum omnium Dominum referuntur, quin Deus ad alia a se referatur? At ut quis vere sit atque dicatur Pater, neutiquam sufficere poterit sola generandi potentias, alioquin nullus ferme hominum non Pater esset; sed requiritur praeterea quod Filius vere genuerit, et vere respiciat: itaque quum Deus Pater Filium vere ex aeterno genuerit, nec sine Filio possit intelligi; vera in eo relatio sit necesse est, a qua habeat propriam Patris adpellationem.

Alterius haec est responsio: quod quum Diuina Christi Domini Persona ex Virgine secundum carnem nata, increata sit, infiniteque a Virgine Matre distet, nequit inter Christum et Virginem vera relatio repertiri; sed Mater est quae refertur ad Filium, non sic Filius ad Matrem: exigit enim mutua extremonrum relatio, ut ista haec sint eiusdem ordinis, naturaeque. Hinc quum in diuinis yna eadem-

Tom. I.

Tt

que

que sit Patris et Filii natura, vera in illis solida, ac mutua relatio reperitur; adeo ut Pater ad Filium, et viceversa Filius ad Patrem referantur.

Quarto paucis occurrimus: relationem scilicet creatam, ex quo accidens sit impotens substantiam constitutere, distinctionem supponere, minime eam efficere; diuinae vero relationes, quia diuinae, et Personas possunt constitutere, et easdem distinguere: vnde non supponunt, sed efficiunt distinctionem: hoc quod habent quatenus formae sunt hypostaticae, qua ratione Personas constituant, atque distinguunt.

Vtimum quod obilitetur, absolute falsum est, quia parte adstruit, eorum, inter quae est mutua ordo, alterum ab altero pendere. Neque mutua iste ordo aliud exprimit, quam vnius cum altero connexionem, mutuunque respectum. Pendebit ergo alterum ab alio, si ab eo sit ut a causa, vti Filius in creatis a Patre; non ita si ab eo sit ut a principio. Porro constitutum est, Patrem Filii principium esse, non causam, nec Filium principiatum dici recte posse, sed principium de principio: ergo verus Patrem inter et Filium ordo, veraque relatio saluator, quin Filius a Patre pendeat. Erit autem propter istum ordinem Filius aliud a Patre? Non est quidem apud nos ordo huiusmodi nisi inter aliud et aliud, seu inter duo, quorum non supposita solum distincta sunt, sed et natura diversa: quum vero id in Deo locum non habeat, quoniam vna eademque est in tribus Personis natura, inde licet Pater et Filius mutuo referantur, Filius non aliud, sed aliud tantum a Patre est: personalitate quidem diversus, natura idem.

Et haec pro eorum solutione, quae aduersus diuinarum relationum existentiam militabant: quae earundem numerum infringere videntur in examen vocemus. Sunt haec: quaternarius relationum numerus quaternitatem Personarum adstruere videtur in Deo; quod expresse damnat Concilium Lateranense IV. cap. 2. dicens: „in Deo „Trinitas est solummodo, non quaternitas.“

Deinde: aequalitas et similitudo sunt relationes quedam, et sunt in Deo ab aeterno: ergo plures quam quatuor relations in Deo sunt.

Sed responderetur ad primum negando adsumptum: Spiratio enim activa, seu relatio producentis Spiritum Sanctum non distinguuntur realiter a paternitate, et filiatione, neque constituit Personam distinc-

tine-

tinetam a Patre et Filio: vnde rem quamdam quartam in Deo minime ponit.

Ad secundum dicendum ex D. Thoma (2), quod aequalitas et similitudo non sunt relationes reales, sed rationis tantum: aequalitas enim vel est in essentia, vel in relationibus, seu personis: essentia, vna eademque quum sit, non potest sibi ipsi esse aequalis, et ad se ipsam realiter referri: quod si aequalitas est in relationibus, seu Personis non erit relatio ad aliis relationibus distincta: nam vna relatio se ipsa, non alia relatione refertur ad aliam. Ea propter concludit S. Thomas (3), „aequalitas et similitudo in diuinis Personis non „est aliqua realis relatio distincta a relationibus personalibus; sed „in suo intellectu includit et relationes distinguentes personas, et es- „sentiae unitatem.“

COROLLARIA.

Habetur ex dictis duobus hisce capitibus; i. , relationes diuinias, quomodocumque acceptas, esse in Deo infinitam quamdam perfectionem. Si enim accipiantur pro relativis, vt sunt, est perfectio summa Deum esse; si autem accipiantur pro relativis, vt ad inuicem referuntur, sunt quoque summa perfectio: nam talis absdubio perfectio est esse Patrem, esse Filium, esse Spiritum Sanctum. Quoniam vero in Deo vna tantum perfectio est, sicut vna substantia, vna essentia, vna summa res; relationum perfectio alia minime est a perfectione substantiae: alias nec Trinitas foret res vna summa et incomprehensibilis, nec inter diuinas Personas aequalitas saluaretur. Consulto itaque diximus, diuinas relations esse perfectionem, non, vt loquuntur alii Theologi, perfectiones. Habetur secundo: relations istas esse formas hypostaticas, quibus Diuinae Personae constituantur: ex vulgari siquidem affato: „idem est principium distinctuum et constitutum“, seu quod in idem redit: quaecumque res per id in suo esse constitutur, per quod primo ab aliis distinguuntur: sic homo quia per rationalitatem a ceteris essentialiter distinguuntur, per eam constitutus: at per relations solas Diuinae Personae distinguuntur ab inuicem: ergo per relations constituntur: nempe per paternitatem prima Persona, per Filiationem secunda, per Spirationem passiuam tertia: Spiratio enim activa non constituit Personam aliquam, quum, vt supra dicebamus, non sit realiter distincta

T 2

(2) Prima Parte, q.xxviii. art. 4. ad 4. (4) Ibidem, q.xlii. art. 1. ad 4.

a Paternitate et Filiatione. Fundatur haec ratio in his, quae SS. PP. scripsere. Augustinus enim (4) ait: „hoc solo numerum insinuant, quod ad inuicem sunt, non quod ad se sunt“. S. Fulgentius (5): „relativa nomina, inquit, Trinitatem faciunt, essentialia vero nullo modo triplicantur“. Boëtius tandem (6): „substantia, ait, continet unitatem, relatio multiplicat unitatem“. Habetur terio: quod sicut relationum perfectio est ipsa perfectio essentialia; ita relationum existentia est ipsa essentialia existentia; quin hæc in Deo multiplicantur: quoties enim Scriptura de Dei existentia loquitur, semper eam essentialiae applicat. Sic Exod. m. Deus de se dicit: ego sum qui sum . . . qui est missit me ad vos“; quorum verborum sensus est, ego sum qui est, seu cuius essentialia est existere. Patres similliter ut demonstrarent contra Arianos Verbum esse eiusdem cum Patre essentialia ad identitatem cum illo in existendo recurrerent: contendebus siquidem Arianis Verbum non habere Dei essentialiam, quia tempus fuit in quo Verbum non erat; Patres reponebant, Verbum Dei essential habere, quia semper existeret: Catholicis itaque simul et Haereticis exploratum hoc erat, quod existentia ratione essentialiae conueniat, et quod vbi est vna essentialia, ibi sit vnum esse, et vbi vnum esse, vna essentialia.

Quando ergo Patres ponere videntur in diuinis existentias plures, quod facere creduntur Augustinus, Cyrilus, et S. Thomas (7), aut sunt eorum sententiae de quidditate, seu notione accipienda; alia quum sit Dei notio qua Deus est, alia qua Pater est; aut de propria cuiuslibet Personæ subsistentia. Praeter eam enim absolutam, communemque toti Trinitati, adstruimus et tres alias relativas, prout sunt illæ modi quidam peculiares existendi, quibus Personæ constituant plenaria induitua. Hoc quod Conciliorum auctoritate, inter quac Nicenaum I., Constantinop. I., et Lateranense II. ita definitum; Patrumque testimonis, Cyrrilli præsertim et Athanasii (8), ne omnes recensemus, id adtestantium, de fide habemus. Ceterum si id subsistentia sit, quod ratio in Deo est per se existendi, vna tantum illa erit, quemadmodum de existentia diccebamus. Si enim „omnis res, ut Augustinus loquitur (9), ad se ipsam subsistit; quantum“

”to

(4) Tract. xxxix. in Ioann.

(5) Lib. de Trinitate.

(6) Lib. de Trinitate.

(7) In Psalmo. lxviii. et Lib. viii. de Trinit. cap. 4. — Dialog. de

Trinit. Lib. i. — Quæst. ix. de Pot. art. 5.

(8) De Trinit. Lib. iii. — Serm. de Deipara.

(9) In viii. de Trinit. cap. 4.

„to magis Deus“? Vna est ergo subsistentia, quoniam vna est in Deo substantia, quea per se existit. Haec subsistentia vna dicitur ad se, quomodo vna diuinitatis natura; tres autem subsistentiae relativæ dicuntur ad aliud, quemadmodum tres Personæ. Vtrumque hoc munus complexus fuit Agatho Papa dicens dari „trium subsistentiarum vnam subsistentiam“. Atque hoc pacto discrepantes Scholarum opiniones in concordiam venisse nobis viderut, atque quae ingenuo Theologo digna erant dixisse.

CAPVT V.

De Personæ vocabulo, etiisque in Ecclesia vsu, ac successu historice agit: Diuinarum Personarum notionem exhibet: earum communes proprietates tradit.

Hoc vocabulum haud expresse, explicanteque in sacris litteris legitimus; tamen dissertissime in illis res per illud significata traditur, nempe, Pater, Filius, et Spiritus Sanctus. Videtur nomen istud Boetio (1), vt S. Thomas commemorat (2) „ex his personis traductum“, „quæ in coemoediis, tragediisque homines representabant. Personæ enim a personando dicta est; quia concavitate ipsa maior, necesse est, vt volvatur sonus“. Alius tamen est apud Philosophos, et Theologos huius nominis vsus; nempe ad designandum individuum, seu singulare quidquam in humana natura subsistens. Hinc celebris apud Theologos tradita a Boetio (3) personæ definitio; „rationalis naturæ individua substantia“. Qua quidem id docemur, personæ rationem neque accidentibus conuenire, neque etiam omnibus substantiis; sed iis tantummodo, quae rationis sunt participes, sive illæ corporeae sint, sive corporis expertes; tum iis quae singulares sunt; non autem vniuersalibus naturis. Haec huius nominis origo, haec notio: quod congruentissime in usum vocatum, quum de Deo loquimur, vel ipsa Ecclesiae adtestatio ratum, fixumque suadet. Coepisse autem illud adhiberi a Latinis quum Sabelliana haeresis orta est, tener Facundus Hermianensis (4), haec scribens: „nam sic Ecclesia Christi, etiam quum necdum ad distinctionem, Patris, et Fili, et Spiritus Sancti viceret nomine personæ, tres

CRO-

(1) In Lib. de duabus nat.

(2) Prima Parte, q. xxix. art. 3.

(3) Lib. de duabus naturis.

(4) Lib. i.